

Broj: 01-05-13-05295/2019  
Sarajevo, 5.11.2019.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

| Prijeto: 07-11-2019 |        |         |            |
|---------------------|--------|---------|------------|
| Org. jed.           | Broj   | Priloga | Vrijednost |
| 05/2                | - 02 - | 188     | 19         |

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
N/P -Tajnik mr.sci. Izmir Hadživdić  
N/P – Delegat Mladen Simić  
veza akt. br. 05/2-02-188/19 od 09.10.2019. godine

**Predmet:** Odgovor na delegatsko pitanje delegata Mladena Simića, *dostavlja se*

Federalnoj upravi, dostavljeni su akti, gornji broj, koji su delegatsko pitanje uvaženog delegata Doma naroda Parlamenta Federacije BiH Mladena Simića, upućeno Federalnom urbanističko–ekološkom inspektoratu, da mu se dostavi odgovor šta radi federalni inspektor imenovan od strane Uprave, koji je smješten u prostorijama kompanije Arcelor Mittal, šta je poduzeo od postavljenja na konkretno radno mjesto do danas, koje mjere je naložio i da li je bilo ekoloških incidenata, odnosno koje su sankcije poduzete prema odgovornim?

Prije davanja preciznog izjašnjenja, želimo ukazati uvaženom delegatu, da federalni inspektor ne sjedi u prostorijama ovog subjekta nadzora, nego u regionalnom uredu Federalne uprave u Zenici, zajedno sa ostalih federalnim inspektorima, čije je sjedište rada u ovom uredu.

Federalna uprava obavlja inspeksijske nadzore u skladu sa Planom i Programom rada kako je to utvrđeno odredbama čl. 28. Zakona<sup>1</sup> o inspekcijama Federacije Bosne i Hercegovine, pri čemu je važno naglasiti da se izrađuju i Planovi pojačanih inspeksijskih nadzora, te da se inspeksijski nadzori obavljaju i kada zahtjev podnese Vlada Federacije, federalno/a ministarstvo/a, direktor Federalne uprave, kao i po zahtjevima podnešenim od strane pravnih i/ili fizičkih lica.

Odabir subjekta/kata nadzora, radi se na temelju procjene rizika, kojim putem se određuje nivo i dinamika nadzora, u ovisnosti da li se radi o subjektima koji prema vrsti poslovne djelatnosti spadaju u **visoko rizične**, gdje posljedice u slučajevima nepoštivanja i neusklađenosti poslovnih procesa sa zakonom mogu prouzrokovati i biti opasne po život i zdravlje ljudi i životinja, te okoliša i materijalnih sredstava. Takvi subjekti se, kod izrade planova i programa, od strane Inspektorata i federalnih inspektora u sastavu FUZIP-a stavljaju u **hijerarhiji prioriteta na prvo mjesto**. Kod

<sup>1</sup> Zakon o inspekcijama Federacije BiH ("Službene novine FBiH" br.73/14)

ovakvih subjekata nadzori se obavljaju **kontinuirano**, po potrebi i putem multidisciplinarnih inspeksijskih timova, u kom slučaju se radi o tzv. kompleksnim (sveubuhvatnim) inspeksijskim nadzorima.

Krećući se svaki u okvirima svoje zakonom utvrđene nadležnosti, u sastav ovih „multidisciplinarnih“ timova najčešće ulaze federalni inspektori rada, zaštite na radu, federalni vodni, urbanističko-ekološki inspektori, šumarski, te termo-energetski, elektro-energetski i inspektori za posude pod pritiskom, u ovisnosti o vrsti djelatnosti kojom se kontrolisani subjekt bavi.

Federalna uprava sa **ciljem kontinuiranog nadziranja stanja okoliša, zagađenosti zraka, vode i tla u gradu Zenici**, ali i okolnim mjestima i nadzorom nad ispunjavanjem uslova iz okolinskih dozvola, koje je Federalno ministarstvo okoliša i turizma izdavalo privrednim društvima, u konkretnom na području Zeničko-dobojskog i Srednjo-bosanskog kantona, je prepoznala važnost konstantnih inspeksijskih nadzora operatora-najvećih zagađivača, te je u tom smislu,

**od 2013 godine, u regionalni ured u Zenici, stacionirala jednog federalnog građevinskog inspektora sa ovlaštenjem inspektora za zaštitu okoliša, zatim 2017 godine, Uprava zapošljava federalnog okolišnog inspektora u ovom Uredu koji u toku 2018. godine prelazi sa radom u drugi federalni organ, a od novembra 2018. godine na to mjesto primljen je novi inspektor zaštite okoliša. U toku 2018. godine, u periodu od odlaska jednog do prijema novog inspektora, nadzore kod Arcellor Mittala, vršili su inspektori iz sjedišta Uprave i regionalnog ureda iz Tuzle.**

Upravo je „ARCELOR MITTAL“ d.o.o. Zenica, jedan od onih visokorizičnih poslovnih subjekata, koji su u kontinuitetu, predmetom nadzora od strane federalnih inspektora ove Uprave. Upravo zbog stalne pažnje javnosti i medija kad je u pitanju rad ovog operatora, Federalna uprava je za potrebe korektnog informisanja, nebrojeno puta izrađivala Izvještaje, i prema Vladi Federacije BiH, Federalnom tužilaštvu, nevladinim organizacijama, medijima isl. kojim putem je detaljno precizirala broj izvršenih inspeksijskih nadzora, vrste naloženih upravnih mjera, prekršajno kažnjavanje isl.

Konkretno, u periodu od 2008.-2010. godina Federalna uprava za inspeksijske poslove, putem svojih federalnih inspektora iz više Inspektorata navedenih u nastavku, ovom operatoru izdala ukupno **86** prekršajnih naloga i to:

- **Federalna inspekcija za zaštitu okoliša**, izdala ukupno **16** PN, (koji su se odnosili na Department Visoka peć, Koksara, Valjaonice, Čeličane i Department Aglomeracija);
- **Federalna vodna inspekcija** je izdala ukupno **8** prekršajnih naloga;
- **Federalna šumarska inspekcija** je izdala **4** prekršajna naloga i podnijela jedan zahtjev za pokretanje prekršajnog postupka;
- **Federalna tehnička inspekcija putem elektroenergetske inspekcije** izdala ukupno **36** prekršajnih naloga;